

THE NEW YORK PUBLIC LIBRARY
ASTOR LENOX TILDEN FOUNDATION
500 5TH AVENUE
NEW YORK 17, N.Y.

THE NEW YORK PUBLIC LIBRARY
ASTOR LENOX TILDEN FOUNDATION
500 5TH AVENUE
NEW YORK 17, N.Y.

欽定剿平捻匪方略卷十一 乙卯年

十二月初七日 丙申 和春福濟奏言據宿縣縣

稟報捻匪張落刑等由河南竄至州屬雖溪臨
渙二集大肆焚掠逼近城垣該處祇有客照所
帶馬隊五百名不敷剿捕請撥兵援應等因查
宿州當南北之衝設有疏失於皖省大局關繫
匪輕武隆額尙在永城並無到宿之信此時匪

勢甚熾誠如

聖諭應另委大員統帶前往但廬州兵勇除分撥舒巢
三河等處外存營無多實已無可抽調惟查有
參將塔思哈前帶壽春四川各營兵一千二百
名馳赴英山現在該處漸次肅清自應移緩就
急卽飭該參將星夜帶赴宿州趕緊進攻並催
武隆額及江豫二省官兵迅籌會剿奏入報

聞

初九日戊戌英桂奏冒據王庭蘭咨稱捻首李兆

受竄往蘄水各勇奮力窮追將及粵匪賊營未
便深入仍退駐楚皖交界處所防其回竄和春
已派兵前往勦捕等因臣以豫省邊防仍難稍
寬當咨行王庭蘭等隨時嚴密防堵務保無虞
又武隆額咨稱捻首張落刑等竄擾無定雖官

兵連次獲勝總因兵單賊衆未能痛加剷洗亟
宜厚集兵力方可大舉等語查史榮椿所帶直
隸官兵業已分起啟程前往永城計期陸續可
到其山東兵一千名前經臣檄調查辦東南兩
路聯莊會匪內遊擊王鳳祥所帶五百名搜捕
南路匪徒一時未便抽調惟東路將次完竣自
應移緩就急已飭都司唐佐清管帶原來官兵

五百名馳赴武隆額大營聽候調遣並派前南陽府知府葉法前赴皖省招募原帶壯勇一二千名隨同會剿再前因添調兵勇赴宋防剿深恐事權不一當經臣奏派臬司余炳燾馳往督辦現在武隆額業已到防豫省派往兵勇及各路官兵足資統率臬司余炳燾擬卽飭令回省奏入報

十八日丁未湖廣總督官文奏言擒匪李兆受占

踞英山經知縣彭惠疇飛移霍山縣知縣鄧元
鎬等分帶勁勇約期會剿十一月初九日探知
該逆勾通髮匪聚有五六千人剋日欲攻羅田
彭惠疇卽商同外委徐兆達會齊紳團於初十
日乘霧往攻何桂珍營中委員周來豫帶勇三

百名會同羅田團勇三千名先行將至英山東門該逆整隊來拒徐兆達等一齊趕到斃匪一千餘名殘黨敗奔蘄水又被大畈河伏兵截殺四百餘名該逆僅賸二百餘人翻山逃竄當收隊入城安民搜捕餘匪並留知縣劉兆彭許垣暫住該縣彈壓撤勇嗣據羅田哨探李兆受竄入蘄水境內經許賡藻派勇跟剿該逆四處竄

逃靡有定蹤許賡藻現在購綫躡捕總期獲此
巨兇所有越境攻克英山縣城之官紳士勇一
力同心剋期竣事容臣查明請獎奏入

上諭內閣曰此次羅田各勇越境攻克英山縣城在事
出力之官紳士勇均屬著有微勞著官文擇其尤爲
出力者據實保奏逆首李兆受仍著嚴拏務獲盡法
懲治

同日兩江總督怡良江蘇巡撫吉爾杭阿奏言
擒匪張落刑等滋擾蒙亳永夏一帶日肆鴟張
漸有窺伺徐州清江之意徐州兵勇無多又經
興慶挑帶一千五百名赴永會剿更形單薄現
探該匪等屯聚永城之薛家湖等處距碭山縣
城僅四五十里並有大股分赴蕭碭打糧之說
雖經道員王夢齡督同府縣厚集鄉團扼要堵

禦但民團未經戰陣甚屬可虞臣等已飛咨托
明阿向榮相其緩急就近派員帶兵赴援仍飭
該道舉行堅壁清野之法將小莊併入大莊圍
築土堡深挖濠溝俾該匪無糧可因無人可脅
以救目前之急一面移咨向榮飭催傅振邦星
馳赴任惟徐屬地方遼闊與皖豫接壤之處甚
多誠恐顧此失彼查有已革左副都御史袁甲

三前在皖省勦辦捻匪兵民愛戴其被叅各款
臣怡良確查研鞫實無賊私劣蹟僞蒙

天恩派令辦理徐州防勦事務可期得力但係獲咎人
員臣等未敢擅便是否可行伏候

欽定奏入

上諭內閣曰江南徐州一帶現有署總兵傅振邦等帶
兵防勦已革左副都御史袁甲三被叅各款雖據怡

良查明尙無賊私劣蹟惟該革員前在臨淮防堵辦理不善致招物議若再派赴徐州亦恐未能得力所請著不准行

十九日

戊申

英桂奏言據武隆額函稱十二月初

九日擒匪自泥臺一帶竄至會亭初十日自會亭直撲夏邑大營經史榮椿等整隊前往夏邑東南之渾河集胡橋一帶小有斬擒十三日該

匪四五萬人由夏邑竄徧宋郡危迫萬分請添
兵籌餉迅速應援等情查該逆張落刑等裹脅
夥黨數萬餘人直犯大營圖占城池兇惡已極
非添調兵勇痛加剿洗難期戡事惟省城存兵
僅有七百餘名已屬難於抽撥况歸德離省不
過二百餘里險阻毫無長驅可到省垣爲全豫
根本尤應統籌戒備現在南路情形稍鬆咨照

邱聯恩於防守三關兵勇內抽撥山東都司保
英所帶官兵五百名兼程赴省知照崇安統領
官兵五百名由西路馳回並令該鎮於左右兩
營內再調官兵五百名派委得力員弁管帶剋
日渡河一併赴省聽候調遣一面札飭前滑縣
知縣張廷璽募勇一千名親自管帶進省檄行
查辦聯莊會匪之候補道周士鏜如南路查辦

完竣卽令遊擊王鳳祥帶兵折回以資防勦至武隆額所帶豫省兵勇不滿四千除交余炳燾等分帶駐防永城等處外隨營更屬無多興慶容照等所帶之兵自麻種接仗失利後已回守江境朱連泰等所帶之兵自亳州解圍後仍株守州城是名爲三省會勦而現與數萬捻衆相持者實祇豫兵三四千名至